

## CONSELLERÍA DE EDUCACIÓN E ORDENACIÓN UNIVERSITARIA

*Orde do 1 de abril de 2005 pola que se convocan prazas e axudas de residencia nos centros residenciais docentes da Coruña, Ourense e Vigo para cursar estudos de ensinanzas postobrigatorias non universitarias e de réxime especial, no próximo ano académico 2005-2006.*

O Decreto 43/1989, do 2 de marzo (DOG do 31 de marzo), polo que se transforman os centros de ensinanzas integradas en institutos de educación secundaria e en centros residenciais docentes, faculta, na súa disposición derradeira, parágrafo 1º, a Consellería de Educación e Ordenación Universitaria para o desenvolvemento e execución no disposto nel.

Na súa virtude, e consonte o establecido no artigo 8 do citado decreto, a Consellería de Educación e Ordenación Universitaria,

**DISPÓN:**

### Capítulo I Condicións xerais

#### Artigo 1º

1. Convócanse prazas e axudas nos centros residenciais docentes da Coruña, Ourense e Vigo, para alumnos de ambos os dous sexos e para os estudos que se indican nos centros que se detallan no anexo I, así como para todas aquelas ensinanzas post obrigatorias non universitarias, que os ditos centros teñan autorizadas para o curso 2005/2006 e que proximamente se publicarán no DOG.

2. O número de prazas de residencia serán as correspondentes ás vacantes que se produzan para o curso 2005-2006, e faranse públicas no momento de se producir.

#### Artigo 2º

1. De conformidade co artigo 8 do Decreto 43/1989, do 2 de marzo (DOG do 31 de marzo), as prazas dos centros residenciais docentes levan implícita a admisión, no instituto de educación secundaria creado ao abeiro do devandito decreto, exceptuando os ciclos superiores.

2. No caso de que a solicitude sexa feita coa finalidade de cursar especialidades que non se impartan nos institutos de educación secundaria citados no punto anterior, a adxudicación de praza de residencia terá carácter provisional. A adxudicación farase definitiva cando o interesado presente, na secretaría do centro residencial docente respectivo, xustificante acreditativo de que foi admitido no instituto no que se imparta a devandita especialidade, que necesariamente ten que ser da mesma localidade que o centro residencial docente. Para estes efectos enténdese que a localidade do centro residencial docente da Coruña, é, ademais de Culleredo, a cidade da Coruña.

3. A adxudicación, con carácter provisional, da praza de residencia, permitiralle ao solicitante considerar como domicilio o centro residencial docente, para os únicos efectos de valoración por proximidade

do domicilio no proceso de admisión de centros sostidos con fondos públicos para o curso académico 2005/2006. A certificación que se lle expida, terá a mesma validez que a certificación do concello para os efectos da Orde do 6 de abril de 1995 (DOG do 6 de maio), pola que se regula o procedemento para admisión de alumnos en bacharelato e ciclos formativos de grao medio, en centro sostidos con fondos públicos.

#### Artigo 3º

1. Poderán concorrer a esta convocatoria todos aqueles que reúnan os requisitos académicos previstos na LOXSE (Lei 1/1990, do 3 de outubro), e que desexen proseguir os seus estudos nos centros indicados no artigo anterior como residentes nos respectivos centros residenciais docentes, así como os actuais residentes dos centros residenciais docentes que rematen un nivel educativo ou ciclo, se desexan seguir como tales no seguinte nivel ou ciclo.

2. Para poder optar á praza de residencia os aspirantes deberán acreditar as circunstancias que impidan a súa escolarización nun centro sostido con fondos públicos. Con carácter xeral, esta circunstancia será a de non poder cursar os estudos solicitados por non haber un centro sostido con fondos públicos, que imparta os devanditos estudos, ben na localidade de residencia, ben nunha localidade próxima que permita, polos medios de comunicación da zona, un acceso diario con facilidade. Para tal obxecto, as delegacións provinciais da Consellería de Educación e Ordenación Universitaria emitirán o correspondente informe na solicitude do aspirante. Con carácter particular, e documentalmente acreditado, poderanse ter en conta outras circunstancias, como condicións de orfandade, fillo de emigrantes ou situacións familiares moi graves.

3. Obterán praza gratuíta os residentes, os que o limiar de renda familiar non exceda do que se fixe na convocatoria de becas e axudas ao estudo de carácter xeral.

Os que superen ata un 10%: 473 €.

Os que superen en máis dun 10% e ata un 20%: 723 €.

Os que superen en máis dun 20% e ata un 30%: 1.148 €.

Os que superen en máis dun 30%: 1.725 €.

Ao aboamento da participación económica poderase fraccionar ata nun máximo de tres prazos trimestrais anticipados.

### Capítulo II Normas de procedemento

#### Artigo 4º

1. As solicitudes dos aspirantes formalizaranse de acordo co modelo que figura no anexo II desta orde.

2. As solicitudes poderanse presentar nos centros residenciais docentes, directamente ou a través das dependencias establecidas na Lei 30/1992, do 26 de novembro (BOE do 27 de novembro), de réxime xurídico das administracións públicas e do procedemento administrativo común. Para estes efectos, os rexistros dos centros docentes non se considerarán incluídos dentro das dependencias enumeradas no artigo 38.4º da devandita lei.

No caso de optar por presentar a súas solicitudes nunha oficina de correos, farano en sobre aberto para que a instancia sexa datada e selada polo funcionario de correos antes de ser certificada.

O prazo de presentación de solicitudes será de 40 días naturais contados a partir do día seguinte ao da súa publicación no *Diario Oficial de Galicia*. Establécese un período extraordinario na primeira quincena do mes de setembro destinado as ensinanzas autorizadas pola administración educativa con posterioridade á publicación da dita orde, así como para os ciclos formativos.

3. Os funcionarios receptores deberán cotexar a veracidade dos datos reflectidos na folla de solicitude, requirindo dos interesados a documentación que para tal efecto consideren necesaria; igualmente comprobarán que as follas de solicitude estean cubertas en todos os seus apartados. Todas as follas estarán asinadas polo funcionario receptor correspondente.

4. Unha vez recepcionadas polos centros residenciais docentes, as solicitudes serán remitidas ás delegacións provinciais correspondentes, que coa maior brevidade posible, emitirán o preceptivo informe e serán devoltas aos centros.

#### Artigo 5º

As axudas para gastos residencias concederanse total ou parcialmente, segundo o nivel de renda familiar e de acordo coas disponibilidades orzamentarias da Consellería de Educación e Ordenación Universitaria.

#### Artigo 6º

O proceso de selección dos aspirantes axustarase ao disposto nos artigos seguintes.

### Capítulo III Selección de aspirantes Sección I Requisitos académicos

#### Artigo 7º

1. Para poder beneficiarse das axudas reguladas nesta orde será preciso o cumprimento dos requisitos exixidos para o efecto pola lexislación académica vixente para poder acceder ao curso que se solicite, sempre que non teña máis de dúas materias pendentes.

2. Sempre que se cumpran os requisitos académicos previstos no parágrafo anterior e que non varíen as circunstancias que motivaron a concesión, a renovación das axudas para os diferentes cursos dun mesmo nivel ou grao educativo producirase de xeito automático.

#### Artigo 8º

1. Non se concederá praza de residencia para repetir curso.

### Sección II

Criterios de valoración para a concesión de praza

#### Artigo 9º

A valoración das solicitudes admitidas abranguerá dúas cualificacións: a socio-económica e a académica.

#### Artigo 10º

A valoración socio-económica obterase ao aplicar o baremo establecido de acordo cos seguintes criterios: renda familiar, composición do grupo familiar, condición de orfandade ou calquera outra situación familiar especial e o número de habitantes do lugar de residencia familiar.

#### Artigo 11º

1. Por renda familiar entenderase a suma dos ingresos obtidos por todos os membros computables, calquera que sexa a súa procedencia, no ano natural inmediatamente anterior ao do comezo do curso académico 2005-2006, e entenderase que son ingresos de base da familia.

2. Os titulares de explotacións agropecuarias computarán como ingresos o valor dos produtos daquelas que sexan utilizadas para o seu propio consumo.

3. Os ingresos familiares dos solicitantes dos que os pais sexan españois residentes no estranxeiro, poderanse consignar en moeda propia do país en que se obteñan; o cálculo do seu contravalor en euros farase aplicando o tipo oficial que dea un resultado menor e que tivese a moeda respectiva o 2 de xaneiro do ano en que se solicite a axuda, e computarase tan só un 75% deste.

4. Os aspirantes deberán achegar unha copia selada da declaración formulada para o imposto sobre a renda das persoas físicas correspondente ao ano a que se refiran os ingresos consignados na solicitude a partir da data en que remate o prazo establecido para presentar tal declaración tributaria. Se os ingresos de base declarados para solicitar a praza fosen diferentes aos que figuran na declaración do imposto sobre a renda das persoas físicas presumírase, salvo xustificación en contra, que houbo ocultación de ingresos, e procederase, en consecuencia, a denegar a praza de residencia ou as prestacións solicitadas.

#### Artigo 12º

1. Consideraranse membros do grupo familiar:

O solicitante, o pai e a nai, os irmáns solteiros menores de 25 anos que convivan no domicilio familiar ou os de maior idade que padezan incapacidade ou diminución física, psíquica ou sensorial e os ascendentes dos pais que xustifiquen adecuadamente a súa residencia no mesmo domicilio.

Os irmáns solteiros maiores de 25 anos cando estean realizando estudos, sen actividade de carácter laboral remunerada, ou no suposto de que constitúan a fonte de recursos económicos máis importantes da familia.

Os irmáns solteiros menores de 25 anos cando estean en situación de paro laboral. Pero se percibisen subsidio de desemprego deberá ser este computable entre os ingresos de base da familia.

A persoa menor de 25 anos que estea acollida legalmente ou de feito pola familia do solicitante e vivindo por conta súa sempre que a devandita convivencia quede suficientemente xustificada.

2. No caso de divorcio ou separación dos pais non se considerará membro computable aquel dos pais que non conviva co solicitante, sen prexuízo de que nos ingresos de base da familia se inclúa a súa contribución económica.

Non obstante terá a consideración de membro computable, se é o caso, o novo cónxuxe ou persoa unida por análoga relación, tendo que incluír a renda e o patrimonio.

3. Nos casos nos que o solicitante alegue a súa independencia familiar, calquera que sexa o seu estado civil, deberá acreditar suficientemente esta circunstancia e o seu domicilio, así como o pagamento de alugueiro da vivenda, se é o caso, e dos medios económicos con que conta. De non xustificar suficientemente estes datos, a solicitude será sometida a exame pormenorizado con comprobación da renda e a situación real do solicitante.

#### Artigo 13º

Ao cociente dos ingresos anuais polo número de membros computables da familia adxudicáraselle a seguinte puntuación:

	<u>Puntos</u>
Ata 3.827 €	10
De 3.827,01 a 4.342 €	8
De 4.342,01 a 4.864 €	7
De 4.864,01 a 5.376 €	6
De 5.376,01 a 5.941 €	5
De 5.941,01 a 6.412 €	4
De 6.412,01 a 6.933 €	3
De 6.933,01 a 7.447 €	2
De 7.447,01 a 7.967 €	1
Máis de 7.967 €	0

2. Engadirase 0,50 puntos por cada un dos irmáns residentes no mesmo centro residencial docente ao que aspire o solicitante.

3. Engadirase 0,50 puntos por cada un dos irmáns, incluído o solicitante, que integre o grupo familiar de acordo co establecido no artigo 12º desta orde.

4. Aos aspirantes en situación de orfandade incrementaráselles a puntuación en 10 puntos; en 15 se se trata de orfandade absoluta.

5. Aos aspirantes con circunstancias familiares especiais engadiráselles ata 5 puntos. Consideraranse neste punto situacións tales como fillos de españois residentes no estranxeiro; familias con membros diminuídos física, psíquica ou sensorialmente, sempre que da incapacidade se derive a imposibilidade de obter ingresos de natureza laboral; cando o cabeza de familia sexa inválido ou estea aqueixado de enfermidade permanente que o imposibilite para o traballo, e que a súa única fonte de ingresos sexa a pensión percibida pola dita invalidez ou que estea en situación de paro, sen percepción do subsidio de desemprego e existan dificultades de escolarización que valorará o tribunal cualificador.

6. En atención ao número de habitantes da entidade singular de poboación na que resida a familia, engadiranse os seguintes puntos, de acordo co previsto no artigo 10º:

	<u>Puntos</u>
Entidades de menos de 1.000 habitantes	5
Entidades de 1.001 a 2.000 habitantes	4
Entidades de 2.001 a 5.000 habitantes	3
Entidades de 5.001 a 10.000 habitantes	2
Entidades de 10.001 a 20.000 habitantes	1
Entidades de máis de 20.000 habitantes	0

7. As delegacións provinciais da Consellería de Educación e Ordenación Universitaria poderán poñer á consideración do tribunal cualificador casos concretos de solicitantes que presenten unha problemática excepcional ou que residan en zonas con grandes dificultades de escolarización. O tribunal cualificador, considerando esta circunstancia, poderalles outorgar a estes aspirantes a puntuación que resulte adecuada para a obtención de praza.

#### Artigo 14º

O rendemento académico dos aspirantes valorarase numericamente pola nota media das disciplinas correspondentes ao curso anterior, neste sentido, e para efectos do cómputo da nota media, utilizarase a seguinte táboa de equivalencias:

	<u>Puntos</u>
Moi deficiente ou non presentado	1
Insuficiente ou non apto	3
Suficiente, apto ou convalidado	5,5
Ben	6,5
Notable	7,5
Sobresaliente	9

#### Capítulo IV

##### Adxudicación de prazas de residencia

#### Artigo 15º

Os centros residenciais docentes remitirán á Dirección Xeral de Centros e Ordenación Educativa, con anterioridade ao 10 de maio, o número de vacantes co fin de que o tribunal cualificador poida establecer os criterios para a súa cobertura.

#### Artigo 16º

Un tribunal cualificador valorará as solicitudes. Estará composto como segue:

-Presidente: o director xeral de Centros e Ordenación Educativa, ou persoa en quen delegue.

-Vogais: un representante de cada un dos centros residenciais docentes.

Un representante do servizo de promoción estudiantil das delegacións provinciais da Consellería de Educación e Ordenación Universitaria.

Un representante da Inspección Central.

Un funcionario da Consellería de Educación e Ordenación Universitaria, que actuará como secretario.

#### Artigo 17º

1. O tribunal cualificador, á vista das solicitudes presentadas e do número de prazas dispoñibles, establecerá unha nota mínima, tanto na fase de valoración socio-económica como na valoración académica, para cada un dos cursos nos niveis ou graos que os solicitantes vaian realizar. O tribunal cualificador excluírá aos aspirantes que non acaden as devanditas notas mínimas, comunicándolle antes de finalizar o mes de xuño.

2. Só os solicitantes que alcancen as notas mínimas na valoración socio-económica e académica establecidas polo tribunal cualificador terán acceso á fase de selección.

3. A puntuación total obterase da suma das valoracións socio-económica e académica.

## Artigo 18º

1. Antes do 10 de xuño, o tribunal cualificador elevará á Dirección Xeral de Centros e Ordenación Educativa proposta de concesión das prazas de residencia, así como relación de solicitantes declarados suplentes para cubrir as vacantes que se produzan.

De acordo co disposto na vixente Lei de procedemento administrativo, a resolución da convocatoria comunicaráselles aos interesados e aos centros, e daráselles aos primeiros un prazo de reclamación de 15 días, desde a data de notificación desa resolución, para alegacións.

As reclamacións serán resoltas no prazo de quince días naturais pola Dirección Xeral de Centros e Ordenación Educativa.

2. Antes do 15 de xullo, a Dirección Xeral de Centros e Ordenación Educativa resolverá a concesión das prazas de residencias, que lle será comunicada aos interesados e indicará a decisión adoptada sobre as súas solicitudes. Aos admitidos con praza e aos suplentes sinalaráselles o centro residencial docente ao que son destinados.

No caso de non haber resolución expresa, as solicitudes entenderáanse desestimadas.

3. Na mesma data remitirase aos centros residenciais docentes a relación de residentes destinados a estes, así como os suplentes que se nomeasen para cubrir as vacantes que se produzan.

## Artigo 19º

As prazas de residencia convocadas para cada centro cubriranse tendo en conta a puntuación total obtida polos aspirantes e a localización do seu domicilio en relación coa dos centros residenciais docentes respectivos e as posibilidades de desprazamento aos seus domicilios, co obxecto de facilitar a convivencia familiar durante os días non lectivos e as vacacións.

### Capítulo V Adxudicación das axudas

## Artigo 20º

A resolución provisional das axudas dos residentes seralles comunicada aos centros residenciais docentes pola Dirección Xeral de Centros e Ordenación Educativa antes do 20 de xuño de 2005.

## Artigo 21º

Os respectivos centros residenciais docentes, en calquera momento do curso 2005-2006, elevarán propostas de revisión de axudas á Dirección Xeral de Centros e Ordenación Educativa daqueles beneficiarios aos que as condicións particulares se lles modifiquen.

### Capítulo VI Comprobación de requisitos

## Artigo 22º

Os centros residenciais docentes poñeranse en contacto cos residentes titulares e suplentes que lles fosen destinados, e reclamaranlles a documentación necesaria para verificar o cumprimento dos requisitos exixidos na convocatoria.

### Capítulo VII Reclamación e recursos

## Artigo 23º

Resoltas as reclamacións formuladas, as adxudicacións definitivas faranse públicas nos taboleiros de anuncios dos respectivos centros residenciais docentes. Contra esta resolución definitiva poderá interpoñerse recurso de alzada perante o conselleiro de Educación e Ordenación Universitaria, no prazo dun mes desde a súa publicación, como previo á xurisdición contencioso-administrativa.

### Capítulo VIII Incorporación dos alumnos seleccionados

## Artigo 24º

1. Os centros residenciais docentes, unha vez coñecidos os residentes titulares que se van incorporar por reunir os requisitos exixidos na convocatoria e por aceptar a praza, procederán a avisar aos suplentes por orde de lista para cubrir as vacantes que se producisen. Para tal efecto formularán consulta previa coa Dirección Xeral de Centros e Ordenación Educativa, para coñecer se hai que reservar praza para algún aspirante unha vez resoltas as posibles reclamacións recibidas.

2. Aos suplentes que non pasen a titulares seralles comunicada esta circunstancia polos respectivos centros residenciais docentes.

3. Queda absolutamente prohibida a incorporación de residentes non beneficiarios mentres non se esgote a relación de residentes que superasen as notas mínimas a que se fai referencia no artigo 17º nos estudos correspondentes.

4. Os residentes incorporados quedarán suxeitos ás normas de réxime interno do centro.

5. O estado de saúde do residente, que se acreditará documentalmente no momento da incorporación ao centro, deberá permitir o normal desenvolvemento da vida residencial ou docente, se é o caso.

6. Os residentes que non se incorporen aos centros residenciais docentes nas datas que cada centro sinala para o inicio do curso escolar, non poderán beneficiarse da praza de residencia, e perderán os seus dereitos, salvo nos casos de forza maior, apreciados polo xerente, oído o consello de residencia.

7. As normas de incorporación serán elaboradas polos respectivos centros residenciais docentes, que deberán poñelas en coñecemento dos seus residentes con 10 días de antelación. Cada centro enviará copia das súas normas de incorporación á Dirección Xeral de Centros e Ordenación Educativa no momento do seu envío aos residentes.

8. Cada centro residencial docente será responsable de que todos os residentes que efectúen a súa incorporación reúnan os requisitos exixidos na convocatoria, segundo o establecido no artigo 22º.

## Artigo 25º

A falsidade de datos ou a falsificación de documentos que se presenten, calquera que sexa o momento en que se domostre a inexactitude, terá como consecuencia a perda total dos dereitos do solicitante, sen prexuízo doutras responsabilidades

a que houberse lugar, logo da apertura do correspondente expediente.

Artigo 26º

1. A perda da condición de alumno do centro onde debía cursar os estudos para os que lle foi concedida a axuda, determinará a perda desta e, asemade, a condición de residente do centro residencial docente.

2. Igualmente, cesarán no beneficiamento das axudas como consecuencia de sanción disciplinaria ou baixo rendemento académico, de acordo coa normativa vixente, logo do oportuno expediente.

Disposicións adicionais

Primeira.-Estudantes non beneficiarios. Os estudantes que non teñan concedidas axudas poderán beneficiarse dalgún ou varios dos servizos de residencia, sempre que exista dispoñibilidade para iso, mediante o aboamento do seu importe, de acordo coas cantidades fixadas para os residentes que excedan dos módulos máximos. Nese caso, a utilización dos devanditos servizos suporá o compromiso tácito do estricto cumprimento da normativa de convivencia establecida polos respectivos centros residenciais docentes.

Segunda.-Desprazamento dos residentes aos seus domicilios familiares. Co obxecto de facilitar a convivencia familiar dos residentes e tendo en conta as posibilidades e duración dos desprazamentos, os centros programarán estes durante as fins de semana e grupos de días festivos coa periodicidade aconsellable. En todo caso, os gastos de desprazamento serán de conta dos propios residentes.

Terceira.-Compatibilidades. Estas axudas poderán ser compatibles coa axuda compensatoria e a axuda para gastos determinados por razón de material escolar da convocatoria xeral de bolsas e axudas ao estudo.

Cuarta.-En todo o non regulamentado por esta orde serán de aplicación as normas vixentes en materia de bolsas e axudas aos estudos.

Disposicións derradeiras

Primeira.-Facúltase a Dirección Xeral de Centros e Ordenación Educativa para adoptar as medidas necesarias para o cumprimento desta orde.

Segunda.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 1 de abril de 2005.

Celso Currás Fernández  
Conselleiro de Educación e Ordenación Universitaria

ANEXO I

Centro Residencial Docente da Coruña

CENTRO	BACHARELATO LOXSE	CICLOS GRAO MEDIO	CICLOS GRAO SUPERIOR
IES CRUCEIRO BALEARES	-CIENCIAS DA NATUREZA E DA SAÚDE -HUMANIDADES E CC. SOCIAIS -TECNOLÓXICO	-PESCA E TRANSPORTE MARÍTIMO -OPERACIÓN, CONTROL E MANTENIMENTO DE MÁQUINAS E INSTALACIÓNS DO BUQUE -MONTAXE E MANTENIMENTO DE INSTALACIÓNS DE FRÍO, CLIMATIZACIÓN E PRODUCCIÓN DE CALOR -EQUIPAMENTOS E INSTALACIÓNS ELECTROTÉCNICAS -EQUIPAMENTOS ELECTRÓNICOS DE CONSUMO	-DESENVOLVEMENTO DE PROXECTOS DE INSTALACIÓNS DE FLÚIDOS, TÉRMICAS E DE MANTENIMENTO -MANTENIMENTO E MONTAXE DE INSTALACIÓNS DE EDIFICIO E PROCESO -ANIMACIÓN DE ACTIVIDADES FÍSICAS E DEPORTIVAS -DESENVOLVEMENTO DE PRODUCTOS ELECTRÓNICOS -SUPERVISIÓN E CONTROL DE MÁQUINAS E INSTALACIÓNS DO BUQUE -NAVEGACIÓN, PESCA E TRANSPORTE MARÍTIMO -INSTALACIÓNS ELECTROTÉCNICAS -PREVENCIÓN DE RISCOS PROFESIONAIS
IES URBANO LUGRIS	-CIENCIAS DA NATUREZA E DA SAÚDE -TECNOLÓXICO	-EQUIPAMENTOS ELECTRÓNICOS DE CONSUMO -INSTALACIÓN E MANTENIMENTO ELECTROMECÁNICO DE MAQUINARIA E CONDUCIÓN DE LIÑAS	-SISTEMAS DE TELECOMUNICACIÓN E INFORMÁTICOS -SISTEMAS DE REGULACIÓN E CONTROL AUTOMÁTICOS -DESENVOLVEMENTO DE PRODUCTOS ELECTRÓNICOS -INSTALACIÓNS ELECTROTÉCNICAS
IES FERNANDO WIRTZ SUÁREZ	-CIENCIAS DA NATUREZA E DA SAÚDE -HUMANIDADES E CC. SOCIAIS	-XESTIÓN ADMINISTRATIVA -EXPLOTACIÓNS SISTEMAS INFORMÁTICOS	-ADMINISTRACIÓN E FINANZAS -DESENVOLVEMENTO DE APLICACIÓNS INFORMÁTICAS -SECRETARIADO -ADMINISTRACIÓN DE SISTEMAS INFORMÁTICOS
IES ANXEL CASAL	-CIENCIAS DA NATUREZA E DA SAÚDE -HUMANIDADES E CC. SOCIAIS	-FARMACIA -COIDADOS AUXILIARES DE ENFERMARIA -ATENCIÓN SOCIO-SANITARIA	-EDUCACIÓN INFANTIL -HIXIENE BUCODENTAL -INTERPRETACIÓN DA LINGUA DE SIGNOS -ANATOMÍA PATOLÓXICA Y CITOLOXIA -DIETÉTICA -IMAXE PARA O DIAGNÓSTICO -LABORATORIO DE DIAGNÓSTICO CLÍNICO -PRÓTESES DENTAIS -INTEGRACIÓN SOCIAL -AUDIOPRÓTESE
IES SOMESO	-CIENCIAS DA NATUREZA E DA SAÚDE -TECNOLÓXICO	-FABRICACIÓN A MEDIDA E INSTALACIÓN DE CARPINTARÍA E MOBLE -ELECTROMECÁNICA DE VEHÍCULOS -MECANIZADO -PERRUCHARÍA -ESTÉTICA PERSOAL DECORATIVA -CARROZARÍA -SOLDADURA E CALDEIRARÍA	-PRODUCCIÓN POR MECANIZADO -PRODUCCIÓN DE MADEIRA E MOBLE -AUTOMOCIÓN -ESTÉTICA -DESENVOLVEMENTO DE PROXECTOS URBANÍSTICOS E OPERACIÓNS TOPOGRÁFICAS -DESENVOLVEMENTO E APLICACIÓN DE PROXECTOS DE CONSTRUCCIÓN -REALIZACIÓN E PLANOS DE OBRA
IES ADORMIDERAS	-CIENCIAS DA NATUREZA E DA SAÚDE -HUMANIDADES E CC. SOCIAIS -ARTES		
IES MONTE DAS MOAS	-CIENCIAS DA NATUREZA E DA SAÚDE -HUMANIDADES E CC. SOCIAIS -TECNOLÓXICO		
IES IMAXE E SON	NON		-IMAXE -SON -PRODUCCIÓN DE AUDIOVISUAIS, RADIO E ESPECTÁCULOS -REALIZACIÓN DE AUDIOVISUAIS E ESPECTÁCULOS
IES NÚ 1 A SARDIÑEIRA	-CIENCIAS DA NATUREZA E DA SAÚDE -HUMANIDADES E CIENCIAS SOCIAIS	-LABORATORIO	-ANÁLISE E CONTROL -INDUSTRIAS DE PROCESO QUÍMICO
IES EUSEBIO DA GUARDA	-CIENCIAS DA NATUREZA E DA SAÚDE -HUMANIDADES E CC. SOCIAIS		-AXENCIAS DE VIAXES -INFORMACIÓN E COMERCIALIZACIÓN TURÍSTICAS
IES AGRA DO ORZÁN	-CIENCIAS DA NATUREZA E DA SAÚDE -HUMANIDADES E CC. SOCIAIS		-ANIMACIÓN DE ACTIVIDADES FÍSICAS E DEPORTIVAS
IES PASEO DAS PONTES	-HUMANIDADES E CIENCIAS SOCIAIS -CIENCIAS DA NATUREZA E DA SAÚDE	-COCINA -SERVIZOS DE RESTAURANTE E BAR -CONFECCIÓN	-RESTAURACIÓN -INDUSTRIA ALIMENTARIA -PATRONAXE
IES RAMÓN MENÉNDEZ PIDAL	-CIENCIAS DA NATUREZA E DA SAÚDE -HUMANIDADES E CIENCIAS SOCIAIS	-COMERCIO	-XESTIÓN COMERCIAL E MARKETING -COMERCIO INTERNACIONAL
ESCOLA DE ARTE "PABLO PICASSO"		DESEÑO DE INTERIORES VOLUME	DESEÑO GRÁFICO CICLO MEDIO.-DOURADO E POLICROMÍA CICLO SUPERIOR.-GRÁFICA PUBLICITARIA -PROXECTOS E DIRECCIÓN DE OBRAS DE DECORACIÓN -CERÁMICA ARTÍSTICA -ILUSTRACIÓN -ARTES APLICADAS DA ESCULTURA -PS FOTOGRAFÍA ARTÍSTICA
CONSERVATORIO DE MÚSICA SUPERIOR			TODOS OS INSTRUMENTOS AUTORIZADOS
CEE NOSA SEÑORA DO ROSARIO			TODAS AS ENSIÑANZAS AUTORIZADAS

## Centro Residencial Docente de Ourense

CENTRO	BACHARELATO LOXSE	CICLOS GRAO MEDIO	CICLOS GRAO SUPERIOR
IES UNIVERSIDADE LABORAL	-ARTES -HUMANIDADES E CC. SOCIAIS -TECNOLÓXICO - CIENCIAS DA NATUREZA E DA SAÚDE	-ELECTROMECÁNICA DE VEHÍCULOS -CARROZARÍA -MONTAXE E MANTENIMENTO DE INSTALACIÓNS DE FRÍO, CLIMATIZACIÓN E PRODUCCIÓN DE CALOR	-AUTOMOCIÓN
IES PORTOVELLO (AS LAGOAS)	-CIENCIAS DA NATUREZA E DA SAÚDE -HUMANIDADES E CC. SOCIAIS	-XESTIÓN ADMINISTRATIVA -COMERCIO	-ADMINISTRACIÓN E FINANZAS -CICLO SUPERIOR DE EDUCACIÓN INFANTIL -XESTIÓN COMERCIAL E MARKETING -INTEGRACIÓN SOCIAL -SECRETARIADO - MANTENIMENTO DE EQUIPAMENTO INDUSTRIAL
IES 12 DE OUTUBRO	-CIENCIAS DA NATUREZA E DA SAÚDE -TECNOLÓXICO	-EQUIPAMENTOS E INSTALACIÓNS ELECTROTÉCNICAS -MECANIZADO -PERRUCARÍA	-ESTÉTICA -PRODUCCIÓN POR MECANIZADO -INSTALACIÓNS ELECTROTÉCNICAS
IES A CARBALLEIRA (POLITÉCNICO)	-CIENCIAS DA NATUREZA E DA SAÚDE -HUMANIDADES E CC. SOCIAIS	-COIDADOS AUXILIARES DE ENFERMARÍA - EXPLOTACIÓN DE SISTEMAS INFORMÁTICOS	-DESENVOLVEMENTO DE APLICACIÓNS INFORMÁTICAS -DIETÉTICA -SAÚDE AMBIENTAL -ADMINISTRACIÓN DE SISTEMAS INFORMÁTICOS -LABORATORIO DE DIAGNÓSTICO CLÍNICO -PRÓTESES DENTAIS
IES A FARIXA	-CIENCIAS DA NATUREZA E DA SAÚDE -TECNOLÓXICO - HUMANIDADES E CC. SOCIAIS	-EQUIPAMENTOS ELECTRÓNICOS DE CONSUMO	-DESENVOLVEMENTO DE PRODUTOS ELECTRÓNICOS -DESENVOLVEMENTO E APLICACIÓN DE PROXECTOS DE CONSTRUCCIÓN -DESENVOLVEMENTO DE PROXECTOS URBANÍSTICOS E OPERACIÓNS TOPOGRÁFICAS -SISTEMAS DE TELECOMUNICACIÓN E INFORMÁTICOS -INFORMACIÓN E COMERCIALIZACIÓN TURÍSTICAS -AXENCIA DE VIAXES
IES AS LAGOAS	-CIENCIAS DA NATUREZA E DA SAÚDE -HUMANIDADES E CC. SOCIAIS		-ANIMACIÓN DE ACTIVIDADES FÍSICAS E DEPORTIVAS
IES "XULIO PRIETO NESPEREIRA"	-CIENCIAS DA NATUREZA E DA SAÚDE -HUMANIDADES E CIENCIAS SOCIAIS		INDUSTRIA ALIMENTARIA
IES VILAMARÍN		-COCINA -PASTELARÍA E PANADARÍA -SERVIZOS DE RESTAURANTE E BAR -XARDINARÍA	-RESTAURACIÓN

ESCOLA DE ARTE "ANTONIO FAILDE"	DESEÑO GRÁFICO	DESEÑO DO MOBLE	CICLO MEDIO: -EBANISTARÍA ARTÍSTICA	CICLO SUPERIOR: -PROXECTOS E DIRECCIÓN DE OBRAS DE DECORACIÓN -GRÁFICA PUBLICITARIA -FOTOGRAFÍA ARTÍSTICA -ILUSTRACIÓN -MOBLAXE
---------------------------------	----------------	-----------------	-------------------------------------	---

CONSERVATORIO DE MÚSICA PROFESIONAL	TODOS OS INSTRUMENTOS AUTORIZADOS
-------------------------------------	-----------------------------------

## Centro Residencial Docente de Vigo

CENTRO	BACHARELATO LOXSE	CICLOS GRAO MEDIO	CICLOS GRAO SUPERIOR
IES MANUEL ANTONIO	-CIENCIAS DA NATUREZA E DA SAÚDE -HUMANIDADES E CC. SOCIAIS	-CONFECCIÓN -COCINA -SERVIZO RESTAURANTE E BAR -LABORATORIO -PASTELARÍA E PANADARÍA - PLANIFICACIÓN E REPOSTARÍA	-ANATOMÍA PATOLÓXICA E CITOLOXÍA -ANÁLISE E CONTROL -LABORATORIO DE DIAGNÓSTICO CLÍNICO -QUÍMICA AMBIENTAL -PRÓTESES DENTAIS
IES "CARLOS CASARES"	-CIENCIAS DA NATUREZA E DA SAÚDE -TECNOLÓXICO -HUMANIDADES E CC. SOCIAIS		
IES RICARDO MELLA	-CIENCIAS DA NATUREZA E DA SAÚDE -TECNOLÓXICO	-XESTIÓN ADMINISTRATIVA -EQUIPAMENTOS ELECTRÓNICOS DE CONSUMO -COIDADOS AUXILIARES DE ENFERMARÍA	-ADMINISTRACIÓN E FINANZA -DESENVOLVEMENTO DE PRODUTOS ELECTRÓNICOS -SAÚDE AMBIENTAL -SISTEMAS DE TELECOMUNICACIÓN E INFORMÁTICOS -SECRETARIADO -IMAXE PARA O DIAGNÓSTICO
IES TEIS	-CIENCIAS DA NATUREZA E DA SAÚDE -HUMANIDADES E CC. SOCIAIS -TECNOLÓXICO	-PERRUCARÍA -ESTÉTICA PERSOAL E DECORATIVA	-ADMINISTRACIÓN DE SISTEMAS INFORMÁTICOS -DESENVOLVEMENTO DE APLICACIÓNS INFORMÁTICAS -ESTÉTICA
IES Nº 1 DE VIGO (POLITÉCNICO)	-CIENCIAS DA NATUREZA E DA SAÚDE -TECNOLÓXICO -ARTES	-MECANIZADO -EQUIPAMENTOS E INSTALACIÓNS ELECTROTÉCNICAS - INSTALACIÓN E MANTENIMENTO ELECTROMECÁNICO DE MAQUINARIA E CONDUCCIÓN DE LIÑAS.	-DESENVOLVEMENTO E APLICACIÓN DE PROXECTOS DE CONSTRUCCIÓN -PRODUCCIÓN POR MECANIZADO -SISTEMAS DE REGULACIÓN E CONTROL AUTOMÁTICO -INSTALACIÓNS ELECTROTÉCNICAS -DESENVOLVEMENTO DE PROXECTOS URBANÍSTICOS E OPERACIÓNS TOPOGRÁFICAS - MANTENIMENTO DE EQUIPAMENTO INDUSTRIAL -PREVENCIÓN DE RISCOS PROFESIONAIS -REALIZACIÓN E PLANOS DE OBRA
IES A GUÍA	-CIENCIAS NATUREZA E DA SAÚDE -HUMANIDADES E CC. SOCIAIS	-COMERCIO	-COMERCIO INTERNACIONAL -ANIMACIÓN DE ACTIVIDADES FÍSICAS E DEPORTIVAS - XESTIÓN DO TRANSPORTE
IES VALENTÍN PAZ ANDRADE	-TECNOLÓXICO -HUMANIDADES E CC. SOCIAIS	-FABRICACIÓN A MEDIDA E INSTALACIÓN DE CARPINTARÍA E MOBLE -ELECTROMECÁNICA DE VEHÍCULOS -CARROZARÍA -SOLDADURA E CALDEIRARÍA -MONTAXE E MANTENIMENTO DE INSTALACIÓNS DE FRÍO, CLIMATIZACIÓN E PRODUCCIÓN DE CALOR	-AXENCIA DE VIAXES -AUTOMOCIÓN -INFORMACIÓN E COMERCIALIZACIÓN TURÍSTICAS -DESENVOLVEMENTO DE PRODUTOS DE CARPINTARÍA E MOBLE
IES DE BOUZAS		CONSERVEIRÍA VEXETAL, CÁRNICA E DE PEIXE	

CONSERVATORIO DE MÚSICA SUPERIOR	TODOS OS INSTRUMENTOS AUTORIZADOS
----------------------------------	-----------------------------------

ANEXO II



**XUNTA DE GALICIA**  
**CONSELLERÍA DE EDUCACIÓN**  
**E ORDENACIÓN UNIVERSITARIA**  
 Dirección Xeral de Centros  
 e Ordenación Educativa

PROCEDIMENTO <b>OBTENCIÓN DE PRAZA DE ALUMNO RESIDENTE EN CENTROS RESIDENCIAIS DOCENTES</b>	CÓDIGO DO PROCEDUREMTO <b>ED306A</b>	DOCUMENTO <b>SOLICITUDE</b>
--	---	--------------------------------

IMPORTANTE: antes de cubrir este impreso lea as instrucións que figuran na última páxina.

SEXO: H  1 M  0

**1. DATOS PERSOAIS DO ALUMNO/A**

Esta folla debe ser cuberta correctamente. Os cadros sombreados serán codificados pola Administración.

PRIMEIRO APELIDO										SEGUNDO APELIDO											
NOME										NIF					DATA DE NACEMENTO			PROVINCIA		NACEMENTO	
ENDEREZO FAMILIAR, RÚA, PRAZA, NÚMERO										DÍA		MES		ANO							
ENTIDADE DE POBOACIÓN										CONCELLO											
CÓDIGO POSTAL			PROVINCIA			TELÉFONOS DE LOCALIZACIÓN					(moi importante)										

**2. DATOS FAMILIARES (CABEZA DE FAMILIA)**

PRIMEIRO APELIDO										SEGUNDO APELIDO									
NOME										NIF									
Nº de fillos que dependen do cabeza de familia					<input type="checkbox"/>		Orfo absoluto					<input type="checkbox"/> 0		Circunstancias familiares especiais <input type="checkbox"/>					
Nº de membros que integran o grupo familiar					<input type="checkbox"/>		Outro tipo de orfandade					<input type="checkbox"/> 1							
							Ningunha das anteriores					<input type="checkbox"/> 2							

**3. ESTUDOS E CURSO QUE SOLICITA**

E. artísticas	<input type="checkbox"/>	Ciclo formativa grao medio	<input type="checkbox"/>
Música	<input type="checkbox"/>	Ciclo formativo grao medio	<input type="checkbox"/>
Bacharelato LOXSE	<input type="checkbox"/>	Ciclo formativo grao medio	<input type="checkbox"/>
Bacharelato LOXSE	<input type="checkbox"/>	Ciclo formativo grao medio	<input type="checkbox"/>
Outras	<input type="checkbox"/>	Ciclo formativo grao superior	<input type="checkbox"/>
		Ciclo formativo grao superior	<input type="checkbox"/>
		Ciclo formativo grao superior	<input type="checkbox"/>
		Ciclo formativo grao superior	<input type="checkbox"/>

NOTA: só se poderá solicitar para os estudos indicados. Para iso, marcarase cunha cruz o primeiro recadro dos que estean enfronte dos estudos que solicitan. No caso de que se desexe pedir varios tipos de estudos ou ramas, procederase a marcar o recadro correspondente a cada un deles, e no segundo recadro, porase a orde de preferencia.

NOME DO CENTRO RESIDENCIAL DOCENTE PARA O QUE SOLICITA (por orde de preferencia): \_\_\_\_\_

**4. CUALIFICACIÓN DO CURSO ANTERIOR AO QUE É PREVIO AO SOLICITADO (ver instrucións)**

D./ D<sup>a</sup>. \_\_\_\_\_ director/a/secretario/a do centro \_\_\_\_\_

**CERTIFICO:** que o alumno \_\_\_\_\_ durante o curso que se indica, obtivo as cualificacións seguintes:

Curso 20\_\_ / 20\_\_ Estudos realizados: \_\_\_\_\_

1ª convocatoria \_\_\_\_\_

Outras convocatorias \_\_\_\_\_

ESTUDOS, CURSOS E, SE É O CASO, RAMA QUE ESTÁ REALIZANDO NO CURSO 2004 / 2005 \_\_\_\_\_

NOME DO CENTRO NO QUE ESTÁ REALIZANDO OS ESTUDOS NO CURSO 2004 / 2005 \_\_\_\_\_

\_\_\_\_\_, \_\_\_\_\_ de \_\_\_\_\_ de 20\_\_

SINATURA E SELO.

NOTA: poranse numericamente as cualificacións. A táboa de conversión, se é o caso, será: moi deficiente ou anulación de convocatoria, 1; insuficiente ou suspenso, 3; suficiente, aprobado ou promocionado, 5,5; ben, 6,5; notable, 7,5; sobresaliente, 9.

## 5. PARA CUBRIR POLO CONCELLO

Don / Dona \_\_\_\_\_ alcalde/esa do  
 concello de \_\_\_\_\_, certifico que o alumno \_\_\_\_\_  
 \_\_\_\_\_, reside neste concello en \_\_\_\_\_  
 \_\_\_\_\_ (rúa, praza e número)  
 \_\_\_\_\_, en compañía de:  
 \_\_\_\_\_ (Entidade de poboación, lugar, parroquia, etc.) (Código postal)

NIF	APELIDOS E NOME	IDADE	PARENTESCO
_____	_____	_____	_____
_____	_____	_____	_____
_____	_____	_____	_____
_____	_____	_____	_____

Tamén se fai constar que o número de habitantes da entidade de poboación de residencia é .....

Centro/s público/s de ensino secundario (IES) máis preto/s do domicilio do solicitante: \_\_\_\_\_

Nome/s do/s centro/s públicos ou concertados: \_\_\_\_\_

Distancia en km do domicilio do solicitante: \_\_\_\_\_ Ten medios de comunicación que permitan o acceso diario con facilidade (indicar cales: transporte público, escolar ...): \_\_\_\_\_

Existen outras dificultades que impidan a súa escolarización: \_\_\_\_\_

\_\_\_\_\_  
 \_\_\_\_\_  
 \_\_\_\_\_

\_\_\_\_\_, \_\_\_\_\_ de \_\_\_\_\_ de 200\_\_

(Sinatura)

## 6. INFORME DA DELEGACIÓN

Informe que emite a Delegación Provincial da Consellería de Educación e Ordenación Universitaria de \_\_\_\_\_  
 respecto da solicitude de praza de residencia do aspirante \_\_\_\_\_  
 de acordo co artigo 3.2º da orde da Consellería de Educación e Ordenación Universitaria da convocatoria.

- O aspirante de referencia non dispón na súa entidade de poboación de residencia de centro sostido con fondos públicos que imparta os estudos de (2) \_\_\_\_\_ non tendo ademais posibilidades de poder cursar os ditos estudos nun centro situado nunha localidade próxima, por non permitir os medios de comunicación da zona o acceso diario con facilidade.
- Pode realizar os estudos de (2) \_\_\_\_\_ na súa localidade de residencia.
- Pode realizar os estudos de (2) \_\_\_\_\_ na localidade de \_\_\_\_\_ que dista da súa \_\_\_\_\_ km, xa que os medios de comunicación da zona lle permiten o acceso diario con facilidade.

\_\_\_\_\_, \_\_\_\_\_ de \_\_\_\_\_ de 200\_\_

(1) Pónase unha cruz no recadro correspondente.

(2) Indicar os estudos para os que solicita o aspirante. No caso de solicitar máis dun estudo o informe debe ser extensivo a todos eles.

NOTA: este informe é imprescindible para solicitar praza de residencia.